

唐兩京城坊考

二



唐兩京城坊考

(二)

徐松撰

唐兩京城坊考卷之三

西京

朱雀門街東第三街

即皇城東之第一街北當大明宮之興安門南當啓夏門

街東從北第一翊善坊

保壽寺

西陽雜俎曰翊善坊保壽寺本高力士宅天寶九年捨爲寺初鑄鐘成力士設齋慶之舉朝畢至一擊百千有窺其意連擊二十杵經藏閣規模危巧二塔火珠受十餘斛河陽從事李琢性好奇古與僧善嘗俱至此寺觀庫中舊物於破甕中得物如破

幅裂汚空觸而塵起琢徐視之乃畫也因以州縣圖三及練三十換之令家人裝治大十餘幅訪于常侍柳公權方知張萱所畫石橋圖也元宗賜力士因留寺中後爲鸞畫人宗牧言於左軍尋有小使領軍卒數十人至宅宣敕取之即日進入張于雲韶院按唐書高力士於來庭坊造寶壽寺段成式謂在翊善坊者蓋二坊南北毘連也高力士捨宅詳來庭坊下寺塔記寺有先天菩薩幀本起成都妙積寺開元初有尼魏八師者常念大悲咒雙流縣民劉乙名意兒年十一自欲事魏尼遣之不去常于奧室立禪嘗自魏云先天菩薩見身此地飾灰于庭一夕有巨跡數尺輪理成就因謁畫工隨意設色悉不如意有僧楊法成自言能畫意兒常合掌瞻仰然後指授之以近十稔工方就後塑先天菩薩凡二百四十二首首如塔勢分臂如意蔓其膀子有一百四十日鳥樹一鳳四翅水肚樹所顯深怪不可詳悉畫樣凡十五卷柳七師者崔寧之甥分三卷往上都流行時魏奉古爲長史進之後因四月八日賜高力士今成都者是其次本

益州溫仁縣令任晃宅

杜炯任晃碑夫人姚氏終於西京翊善坊之私第

驃騎大

將軍號國公楊思勛宅

張說穎川郡太夫人陳氏碑太夫人羅州大首領楊麻之妻驃騎大將軍兼左驍騎大將軍號國公思勛之母也薨於長安之翊善里

內侍護軍中尉彭獻忠宅

張仲素彭獻忠碑。墓於翊善里之私第。

其西光宅坊。

本翊善一坊之地。置大明宮後。開丹鳳門街。遂分爲二坊。大和元年。鳳翔獻鄭注首。詔懸于光宅坊西北角三日而去之。

待漏院。

元和初置。

右教坊。

崔令欽教坊記。西京右教坊。在光宅坊左。教坊在延政坊右。多善歌。左多工舞。按自大明宮觀之。則光宅在右。延政在左也。

橫街之北。光宅寺。

儀鳳二年。望氣者言。此坊有異氣。敕

令掘得石函。函內有佛舍利骨萬餘粒。遂立光宅寺。武太后始置七寶臺。因改寺額焉。西陽雜俎曰。七寶臺甚顯。登之。四極眼界。其下層窗下。有吳道元畫。丞相韋處厚自居內庭。至相位。每歸。輒至此塔焚香瞻禮。普賢堂。本天后梳洗堂。寺塔記。光宅寺本宜蒲萄園中。禪師影堂。師號惠中。肅宗上元二年。徵至京師。初居此寺。羯鼓錄。宋沈爲太常丞。一日。早于光宅佛寺待漏。聞塔上風鐸聲。傾聽久之。朝回復至寺舍。謂寺主僧曰。塔鈴有一是古製。此姑洗之編鐘耳。

李揆宅。

李揆謝賜光宅坊宅表云。中使至。奉宣聖旨。知臣無宅。以光宅坊去內最近。賜臣宅一道。

民家。

西陽雜俎。元和中。光宅坊民。其家有病者。將困。迎僧持念。妻兒環守之。一夕。見一人入戶。衆驚逐。乃投於甕間。其家以湯沃之。得一袋。蓋鬼。問

取氣袋也。

次南永昌坊。

舊本有坊東丹鳳門街。

給事郎李伏奴宅。

李府君夫人王氏墓誌。夫人諱琬。字令媛。卒於萬年縣永昌里第。伏奴即王氏之子。

茶肆。

舊書王涯傳。李訓事敗。涯與同列。歸中書會食。未下筯。吏稱有兵自閣門出。逢人即殺。涯等倉皇步出。至永昌里茶肆。爲

禁兵
所擒

次南來庭坊

本永昌一坊之地。與翊善坊同分。隋未有仁法寺。大業七年廢。按翊善來庭皆逼近東內。故多閹人居之。

莊宅司

坊西北。按大達法師塔碑陰。有大中五年敕。內莊宅使。牒一通。載安國寺僧價買莊地之事。惟莊中使之名不見。唐志。宋史職官志云。唐設內諸司。使悉擬尚書省。如京倉部也。莊宅。屯田也。皇城司門也。禮賓主客也。此坊所載。蓋其廢舍。

特進

王仁祐宅

永徽時人

洛陽縣令鄭敞宅

薛稷鄭敞碑。終於萬年縣之來庭里第。

內侍高延福宅

力士父孫翌作墓誌銘。張說作神道碑。並云延福終來庭里第。按高力士本馮衡之子。延福

以爲假子。衡妻麥氏亦來依之。皆居來庭里。開元十四年。延福卒。十七年麥氏卒。至天寶九年。乃捨宅爲保壽寺。

右衛上將軍致仕梁守謙宅

內常侍孫志廉宅。申堂構孫志廉墓誌。終於咸寧

縣來庭里

之私第

左神策軍護軍中尉兼左街功德使知內侍省劉宏規宅

李德裕劉宏規碑。薨於長安來庭里第。又按周遇劉氏太原縣君霍夫人墓誌。劉瞻劉遵禮墓誌。皆

言卒於來庭里私第。蓋霍夫人當是宏規長子行立之妻。遵禮則行深之子也。

李氏宅

廣異記。上都來庭里婦人李氏者。晝坐家堂。忽見其夫亡姊。身衣白服。戴布幘巾。逕來逐已。李氏繞牀避去。乃出門絕。聘有北門萬騎卒。以馬鞭擊之。隨手而消。止有幘

頭巾。奄然至地。其下得一闕。骸骨焉。

丹鳳門街至此而絕

次南永興坊

隋有善果寺。大業中廢。隋右驍衛將軍長孫晟居於此。太宗文德順聖皇后。長孫氏晟之女。大業中后常歸寧。

西南隅、左金吾衛。

神龍中自崇仁坊徙。

十字街西之北。

按十字街，長安志發刪十字二字，今從兩京記增，後倣此。

荷恩寺。

景雲元年，睿宗立。

西門之北、太子太

師鄭國公魏徵宅。

本隋安平公宇文愷宅，封演見聞錄曰：徵所居室屋卑陋，太宗欲爲營構，徵謙讓不受，泊微寢疾，太宗將營小殿，遂撤其材爲造正堂，五日而就，開元中，此堂猶在，家人不謹，遣火燒之，子孫哭臨三日，朝士皆赴弔，後裔孫蕃相。

宣宗居舊第焉。按通鑑會要，並云魏徵元孫稠，貧甚，以故第質錢于人，平盧節度使李師道請以私財贖出之，憲宗命出內庫錢二千緡贖賜魏稠，仍禁質賣，故蕃之作相，仍居舊第。崔瑗魏公先廟碑：舊宅永興里，肇卜貞觀是也。

左龍武軍統軍

咸寧郡王戴休顏宅。

賜第，畢氏曰：唐書傳，但言爲左龍武將軍，不及咸寧郡王。

右豹韜衛長史贈丹州刺史任丹宅。

王維任丹碑：寢疾卒於永興里第。

雲麾將

軍左龍武將軍劉感宅。

李震劉感墓誌：薨於永興里之私第。

鳳翔陳許湖南進奏院太常樂工宅。

新書：讓皇帝之子瑀，知音，嘗早朝過永興里，聞笛音，顧左右曰：是太常工。

乎曰：然他日識之曰：何故臥吹笛工驚龍。

民家。

酉陽雜俎：唐開成末，永興坊百姓王乙掘井，過常井一丈餘，無水，忽聽向下有人語及雞聲，甚喧鬧，街司申金吾草處仁將軍，令塞之。

次南崇仁坊。

北街當皇城之景風門，與尙書省選院最相近，又與東市相連，選入京城無第宅者，多停憩此，因是一街輻輳，遂傾兩市晝夜喧呼，鐙火不絕，京中諸坊莫之與比。大厯中，魚朝恩於坊之南街設齋會，奏內坊音樂，長安

志載昌化坊而不知所在，按坊內有禮賓院及岐陽公主宅，禮賓院舊在崇仁坊，岐陽宅內，云疏龍首池爲沼，崇仁坊正龍首渠所經，蓋昌化卽崇仁之異名，故以昌化各宅附此坊下。

坊南門之西禮會院。

本長寧公主宅，主及駙馬楊慎交奏，割宅向西一半，官市爲禮會院，每公主郡縣主出降，皆就此院成禮，開元十九年四月置兵興以來廢而不修，後移於長興坊。舊紀：至德元載，逆胡害霍國長公主永王妃侯莫陳氏。

義王妃閻氏陳王妃章氏信王妃任氏駙馬楊嗣等八十餘人於崇仁之街疑因在院而被害也。

北門之東寶刹寺

本邑里佛堂院。隋開皇中立爲寺。佛殿後。魏時造四面立柱。當中構虛起兩層閣。檼棟屈曲。爲京城之奇妙。故天子以寶

刹爲名。按名畫記。寶刹寺有楊契丹陳靜眼楊廷光畫。

東南隅資聖寺

本太尉趙國公長孫无忌宅。龍朔三年。爲文德皇后追福。立爲尼寺。咸亨四年。改爲僧寺。長安三年七月火焚之。灰中得經數部。不損一字。百姓施捨。數日之間。所獲鉅萬。遂

營造如故。寺額。申州刺史殷仲容所題。楷法端妙。京邑所稱。寺塔記。淨土院門外。相傳吳生一夕秉燭醉畫。就中戟手。視之惡駭。院門裏盧棧伽畫。盧常學吳勢。吳亦傳以手訣。乃畫總持三門寺。方半。吳大賞之。謂人曰。棧伽不得心訣。用思大苦。其能久乎。果畫畢而卒。中門窗間吳畫高僧。章述贊。李嚴書。中三門外兩面上層。不知何人畫。人物頗類閻令。寺西廊北隅楊坦畫。近塔。天女明睇將睨。團塔院北堂有鐵觀音。高三丈餘。觀音院兩廊。四十二賢聖。韓幹畫。元載贊。東廊北頭散馬。不意見者。如將嘶蹀。聖僧中龍樹商那和修絕妙。團塔上菩薩。李真畫。四面花鳥。邊鸞畫。當樂師菩薩頂上。戎葵尤佳。塔中藏千部妙法蓮花經。名畫記。資聖寺有吳道元檀章。姚景仙楊廷光李琳畫。

西南隅元真觀

半以東。本尙書左僕射申國公高士廉宅。西北隅。本左金吾衛神龍元年。併爲

長寧公主第。東有山池別院。卽舊東陽公主亭子。韋庶人敗。公主隨夫爲外官。遂奏請爲景龍觀。仍以中宗年號爲名。初。欲出賣官估木石。當二千萬山池。仍不爲數。天寶十三載。改爲元真觀。肅宗時。設百高座講。名畫記。元真觀有陳靜心程雅畫。

東門之北

尙書左僕射許國公蘇瓊宅

本中書令薛元超宅。盧藏用蘇瓊碑。終崇仁里第。

右散騎常侍舒國公褚无量宅

賜第。蘇頌褚无量碑。終崇仁里第。

餘干縣

尉王立傭居

集異記云。唐餘干縣尉王立調選傭居大寧里。窮悴頗甚。每旬食於佛祠。徒行晚歸。偶與婦人同路立。因邀至其居。情款甚洽。翌日。謂立曰。妾居崇仁里。資用稍備。儻能從居乎。立遂就焉。婦與立居二載。忽一日夜歸。意態遑遑。謂立曰。妾

有冤仇。爲日深矣。伺便復仇。今乃得志。便須離京。此居處五百纒。自置契書。在屏風中。室內資儲。一以相奉。言訖收淚而別。

吐蕃內大相論莽熱宅

章阜傳。生擒論莽熱。遣使獻於朝。德宗數而釋之。賜第於崇仁里。

太華

公主宅。

明皇第二十女降楊錡。

義陽公主宅。

德宗第二女降王士平宅在昌化坊。

岐陽公主宅。

憲宗第六女。舊書公主下嫁杜棕。帝爲御正殿臨遣。由西朝堂出。復御延喜門。止主車。大賜寶從金錢。開第疏。

龍首池爲沼。杜牧

有岐陽公主墓誌。

右散騎常侍輕車都尉柳渾宅。

柳宗元柳渾行狀。薨於昌化里。

檢校尚書左僕射同中書門下平章事韓

渥宅。

顧況韓泚行狀。薨於昌化里私第。又權德輿韓泚行狀。終昌化里私第。按泚卽渥之弟。

東都河南商汝汴淄青淮南兗州太原幽州鹽州豐州滄州天

德荆南宣歙江西福建廣桂安南邕州黔南進奏院造樂器趙家。

樂府雜錄。文宗朝有內人鄭中丞。善胡琴。內庫二琵琶。號大小忽雷。鄭嘗彈小忽雷。偶以匙頭脫。送

崇仁坊南趙家修理。大約造樂器。悉在此坊。其中二趙家最妙。

裴六娘宅。

通幽記。哥舒翰少時有志氣。長安交遊豪俠。宅新昌坊。有愛妾曰裴六娘者。容範曠代。宅於崇仁。

師婆阿來宅。

朝野僉載。唐韋庶人之全盛日。好厭禱。並

將昏鏡以照人。令其迷亂。與崇仁坊邪俗師婆阿來專行厭魅。平王誅之。又云崇仁坊阿來婆彈琵琶。朱紫填門。

次南平康坊。

南門之東。菩提寺。

隋開皇二年。隴西公李敏道及僧惠英所奏立寺。西陽雜俎曰。寺之制度。鐘樓在東。惟此寺綠李林甫宅在東。故建鐘樓於西。寺內有郭令玳瑁鞭及郭令王夫人七寶帳。大中六年。改爲保唐寺。寺塔記。佛殿東西障日及諸

柱上圖畫。是東廊舊鄭氏土畫。開元中。因屋壞。移入大佛殿內。槽北壁。食堂前東壁上。吳道元畫。智度論色羯藍。是吳自題。筆蹟遒勁。如獐鬼神毛髮。次堵畫禮骨仙人天衣飛揚。滿壁風動。佛殿內槽後壁。吳道元畫。消災經事。樹石古險。元和中。上欲令移之。慮其摧壞。乃

下詔擇畫手寫進佛殿內槽壁維摩變舍利弗角膝而轉。元和末，俗講僧文淑裝之，筆蹟盡矣。故興元鄭公尙書題此壁，僧院詩曰：但慮彩色汚，無虞臂膊肥。置寺碑陰，雕飾奇巧，相傳鄭法士所起樣也。初，會覺上人以利施起宅十餘畝，工畢釀酒百石，列餅饗於兩廊下，引吳道元觀之。因謂曰：檀越爲我畫，以是賞之。吳生嗜酒，且利賞，欣然而許。中三門內東門，張希復云：是吳生弟子王耐兒之手也。名畫記：菩提寺有吳道元、楊廷光、董諤、耿昌言畫按祿山之亂，王維禁在菩提寺，顏魯公坐位帖言：菩提寺行香，當即此寺。

十字街

之北陽化寺。

隋內史舍人于宣道爲父建

萬安觀。

天寶七載，永穆公主出家，捨宅置觀。其地西南隅，本梁國公姚元崇宅。次東，即太平公主宅。其後，敕賜安西都護郭虔瓘後悉併爲觀。名畫記：觀內公

主彤堂。李昭道畫山水。

嘉猷觀。

詳李林甫宅下。明皇御書金字額以賜之。林甫奏女爲觀主，觀中有精思院。王維、鄭虔、吳道子皆有畫壁。林甫死後，改爲道士觀，擇道術者居之。

西北隅，隋太師申國公李穆

宅。

其地景龍中爲長寧公主府及鞠場。景雲中廢井，毬場散賣與居人。

西南隅，國子祭酒韋澄宅。蘭陵長公主宅。

李義府蘭陵長公主碑，遺疾薨於雍州萬年縣之平康里第。按碑，長公主爲太

宗第十九女。

太子右庶子銀青光祿大夫國子祭酒上護軍孔穎達宅。

于志寧孔穎達碑，薨於萬年縣平康里第。

西門之南，尙書左

降寶懷愍。

僕射河南郡公褚遂良宅。

自遂良父太常卿亮居焉。

南門之西，刑部尙書王志愔宅。次北，戶部尙書崔泰之宅。侍中裴光

庭宅。

張九齡裴光庭碑，薨於京師平康里之私第。

左羽林大將軍臧懷亮宅。

李邕臧懷亮碑，薨於京師平康里之私第。

東南隅，右相李林甫宅。

本尙書左僕射衛國公李

靖宅。景龍中，韋庶人妹夫陸頌所居。韋氏敗，靖姪孫散騎常侍令問居之。後爲林甫宅。有堂如偃月，號月堂。每欲排擠大臣，卽處之，思所以中傷者，若喜而出，卽其家碎矣。又說其宅妖怪東北隅溝中，至夜每火光一起，有小兒持火出入。林甫惡之，奏分其宅。東南隅立爲嘉

猷觀宣室志。泓師者。以道術聞。常過李靖宅。謂人曰。後之人有居此者。貴不可言。其後久無居人。開元初。李林甫爲奉御。居焉。泓師曰。果如是。十有九年。居相位。雖然。吾懼其易製中門。則禍及矣。林甫果相元宗。及末年。有人獻良馬。甚高。而其門稍卑。不可乘。以過。遂易舊製。既毀其簷。忽有蛇十數萬。在屋瓦中。林甫惡之。卽罷而不復毀焉。未幾。林甫竟籍沒。開天傳信記。平康坊南街廢靈院。卽李林甫舊第。太子賓客分司東都張宏靖宅。本國子司業崔融舊第。有融題壁處。虔

州刺史王哲宅。

酉陽雜俎。唐處州刺史王哲。在平康里治第。西偏家人掘地。拾得一石子。

汧陽郡太守王備宅。

王維汧陽郡太守王公夫人安喜縣君成氏墓誌。墓於長安平康里之私第。安喜縣君乃王

濡之母。濡之父名備。官至定州刺史。備之祖卽石泉公方慶。

霍國夫人王氏宅。

楊綰汾陽王妻霍國夫人王氏碑。終於平康里之私第。

校書郎陳萇宅。

柳宗元伯祖妣李夫人墓誌。終於平康里。按館於第

三增校書郎渭南尉潁川陳萇家。又宗元亡姑陳夫人權厝誌。前渭南縣尉潁川陳君之夫人河東柳氏。終於平康里。

河南府錄事趙虔章宅。

孫溶趙虔章墓誌。告終於平康里私第。溶一作容。

馮震宅。

續元怪錄。

扶風馬震。居長安平康里坊。正晝。聞叩門。往看。見一貧醜小兒云。適有一夫人。自東市買某驢至此。入宅。未還賃價。其家實無人來。且付錢遣之。經數日。又聞叩門。亦又如此。乃置人於門左右候之。是日。果有一婦人。從東乘驢來。漸近識之。乃是震母。亡十一年矣。葬於南山。其衣服尙是葬時者。邢鳳宅。沈亞之異夢錄。邢鳳帥家子寓居長安平康里南。以錢百萬質。得故豪洞門曲房之第。卽其寢而晝。夢一美人自西極來。同華河中河陽襄徐魏涇原靈武夏州

昭義浙西東容州進奏院三曲。

北里志云。平康里入北門東回三曲。卽諸妓所居之聚也。妓中有錚錚者。多在南曲中曲。其循牆一曲。卑屑妓所居。

次南宣陽坊。

東南隅、萬年縣廨。

去府七里。縣門屋宇文愷所造。太平公主降薛紹於縣廨設婚席。初以縣門隘窄欲毀之。高宗敕宇文愷所造製作多奇不須毀拆也。

權鹽院坊西南隅、淨域寺。

隋文帝開皇五

年立恭帝禪位止於此寺。薨焉。西陽雜俎曰。本太穆皇后宅。寺僧云三階院門外是神龜皇帝射孔雀處。佛殿內西座蕃神甚古質。貞元已前西蕃兩度盟皆載此神立于壇而誓。相傳當時頗有靈。寺塔記。王昭隱畫門西裏和修吉龍王有靈。門外之西火目藥叉及北方天王。甚奇猛。門東裏面賢門野叉部落鬼首。上蟠蛇汗煙。可懼。東廊樹石險怪。高僧亦怪。西廊萬菩薩院門裏南壁。皇甫軫畫鬼神及鵬形。勢若脫軫。與吳道元同時。吳以其藝逼已。募人殺之。萬菩薩堂內有寶塔。以小金銅塔數百飾之。大厩中將作劉監有子合手。出胎七歲。念法華經。及卒。焚之。得舍利數十粒。分藏於金銅塔中。佛殿東廊有古佛堂。其地本雍村。堂中像設。悉是石作。相傳云。隋恭帝終此堂。名畫記。淨域寺三階院東壁。張孝師畫地獄變。杜懷亮書勝子院門內外神鬼。王韶應畫王什齊勝子。

奉慈寺。

本開元中

魏國夫人楊氏宅。魏國即貴妃之姊。其地本中書令馬周宅。津陽門詩曰。八姨新起合歡堂。注曰。魏國構一堂。價費萬金。堂成。工人價價之外。更邀賞技之直。復與絳羅五千段。工者投而不顧。魏國問其由。工曰。某平生之能。彈於此矣。苟不以信。願得螻蟻蜥蜴蜂蟻之類。數其目而投於堂中。使有閒隙。得亡一物。即不論功直也。於是又以繪綵珍具與之。又明皇雜錄曰。貴妃姊魏國夫人。恩傾一時。大治第宅。棟宇之盛。世無與其比。所居本章嗣立舊宅。韋氏諸子亭。午方偃息于堂。廡忽見一婦人。衣黃岐衫。降自步輦。有侍婢數十。笑語自若。謂韋氏諸子曰。聞此宅欲貸。其價幾何。韋氏降階言曰。先人舊廬。所未忍捨。語未畢。有工人數百登西廂。掘其瓦木。韋氏諸子既不能制。乃率家童挈其琴書。委於衢路。而自嘆曰。不才無能。爲勢家所奪。古人之戒。將見於今日乎。而與韋氏隙地十畝餘。其他一無所酬。魏國中堂既成。召匠圻垠。以二百萬償其直。而復以金盆二。瑟瑟三斗爲賞。後曾有暴風拔樹。委於堂上。已而視之。略無所傷。既徹瓦以觀。皆承以木瓦。其制精妙。皆此類也。寺塔記曰。安祿山僞命百官。以田乾真爲京兆尹。取魏國宅爲府。後爲駙馬都尉郭曖宅。今上卽位之初。太皇太后爲昇平公主追福。奏立奉慈寺。賜錢二千萬。續帙三車。抽左街十寺僧四十八人居之。

駙馬獨孤明宅。

寺塔記。淨域寺畫金剛有靈。天寶初。駙馬獨孤明宅。與寺相近。獨孤有婢名懷香。悅西隣一士人。宵期於寺門。有巨蛇束之。俱卒。

南門之西、杞國公竇毅宅。

毅即太穆皇后之父宅西有皇后歸寧院後施淨域寺宅南有杞公廟。

十字街之西北、秋官尚書譙國公李誨宅。

後爲韋溫宅。

氏誅後賜恩國公主。畢氏曰唐書有兩韋溫此乃韋庶人從父兄。

西門之北、尚書左僕射舒國公韋巨源宅。宅東有陝州刺史劉希進少府監楊

務廉宅。

按新書長寧公主傳云擢務廉將作大匠又云務廉卒坐貲數十萬廢終身是務廉終於將作大匠也。

次西北、隔巷有國子祭酒韋叔夏宅。光祿卿單思遠宅。

十字街東之北、刑部尚書李乂宅。

畢氏曰蘇頌李乂碑又終宣陽里第。

次西有益州長史李袞太子賓客鄭惟忠宅。東北隅兵

部尚書郭元振宅。

張說郭元振行狀舊於宣陽里居二十餘年不至諸院馬廄每朝回對二親言笑歸室儼如也。杜甫過郭代公故宅詩注云郭元振宅在京師宣陽里。

前司空兼右相楊國忠宅。

虢國夫人居坊之左國忠第在其南畢氏曰唐書云國忠第在宮東門之南與虢國相對。韓國秦國。裴棟相接。集異記天寶末祿山初陷西京王維鄭虔張通等皆處賊庭泊剋復俱囚於宣陽里楊國忠舊第。

西門之南、右羽林軍大

將軍高仙芝宅。東門之北、京兆尹李齊物宅。司徒致仕薛平宅。右驍衛大將軍韓公武宅。

畢氏曰唐書傳公武居宣陽里之北門。

麟臺正字陳子昂宅。

獨異記京師東市有賣胡琴者陳子昂千緡市之語。衆曰余居宣陽里明日專候來晨集者凡百餘人。

禮部員外郎常無名宅。

常袞叔父無名墓誌薨於西京宣陽里之私第。

將作監韋文恪宅。

文宗時人。

右神武統軍張義潮宅。

咸通六年歸義軍節度使張義潮自沙州入覲詔除統軍賜第一區。

邠寧東川振武鄂州進奏院。

柳宗元有弟 寧進奏院記 賈昌宅。

陳鴻祖東城老父傳。老父姓賈名昌。長安宣陽里人。以鬪雞得幸元宗。祿山朝京師。識昌於橫門外。及亂二京。以千金購昌。長安洛陽市昌變姓名。依於佛舍。泊太上皇歸興慶宮。昌還舊里。居室爲兵掠。明日復出長安南。

門道見妻兒於招 國里菜色黧焉。

次南親仁坊。

西南隅咸宜女冠觀。

睿宗在藩之第。明皇升極於此。開元初。置昭成。肅明二皇后廟。謂之儀坤廟。睿宗升遐。昭成遷入太廟。而肅明留於此。開元二十一年。肅明皇后亦祔入太廟。遂爲肅明道士觀。寶應元年。咸宜公主入道。與大真觀換。

名焉。名畫記。咸宜觀有吳道元。解倩。楊廷光。陳閔畫。南部新書。長安士大夫之家。入道盡在咸宜。按女道士魚元機住咸宜觀。

回元觀。

即安祿山舊宅。祿山故事曰。舊宅在道政坊。元宗以其隘陋。更於親仁坊。選寬爽之地。出內庫錢。更造堂皇。

院宇。窳穢周巾。帳帷幔幕。充初其中。天寶九載。祿山獻俘至京。命入新宅。譚賓錄曰。祿山入朝。敕於親仁坊南街造宅。堂皇三重。皆象宮中小殿。房廊。綉窳綺疏。詰屈無不窮極精妙。什物充初。以金銀織。傍篋。簾。等。每欲賞賜之。明皇嘗謂左右曰。祿山眼孔大。勿令笑人。

西北隅。尙書右僕射燕國公于志寧宅。

後併入汾陽王宅。閑地置廟。後敕賜貴妃豆盧氏。後左金吾大將軍程伯獻黃門侍郎李勣等數家居焉。

十字街東之北。太子詹

事韋琨宅。次東又有中書侍郎楊宏武。太僕卿王希雋二宅。

雋所居。即隋兵部尙書樊子蓋宅。

北門之東。駙馬都尉鄭萬鈞

宅。東門之北。滕王元嬰宅。尙父汾陽郡王郭子儀宅。

譚賓錄曰。宅居其地四分之一。通永巷。家人三千。相入出者。不知其居。又曰。親仁里大啓。其地里巷負販之人。上至公子簪纓之士。出入。

不聞。或云王夫人趙氏愛女。方妝梳對鏡。往往公廳下將吏出鎮去。及耶吏皆被召。令汲水持帨視之。不異僕隸。他日子弟集列啓諫。公三不應。于是繼之以泣曰。大人功業已成。而不自崇重。以貴以賤。皆游臥內。某等以爲雖尹霍不當如此也。公笑謂曰。爾曹固非所料。且吾官馬食粟者五百匹。官輦者一千人。進無所往。退無所據。向使崇垣局戶。不通內外。一怨將起。構以不臣。其有貪功害事之徒。成就其事。則九族藍粉噬臍莫追。今蕩蕩無閒。四門洞開。雖讎毀是興。無所加也。吾是以否諸子皆伏。其西本于志寧宅。劉禹錫有酬令狐相公親仁郭家花下卽事見寄詩。駙馬都尉太常卿兼戶部侍郎楊暄宅。舊書楊國忠傳。國忠子暄兄弟。各立第於親仁里。窮極奢侈。

明皇第十八女。降西華公主宅。宣宗第三女。降太子太師汧國公李勉宅。檢校司空平章事太原尹北都留守。工部尙書嚴祁。

李石宅。舊書本傳。開成二年正月五日。石自親仁里將曙入朝。盜發於故郭尙父宅。引弓追及。矢纔破膚。馬逸而回。盜已伏坊門。揮刀砍石斷馬尾。竟以馬逸得還私第。兵部尙書致仕歸崇敬宅。劍南東

川節度使馮宿宅。盧氏雜說曰。宿從子衰爲給事中。宅有山亭院。多養鷄鴨及雜禽之類。常遣一家人主之。謂之烏省。按馮衮玉泉子作馮堯朝散大夫祕書省著作郎致仕韋端

宅。華州下邽縣丞韋公夫人墓誌。遺疾終於長安親仁里之私第。按夫人王氏。韋端之妻。端時爲下邽令。宅在此里。端卒於元和十四年。其時宅在新昌里。見新昌里下。柳州刺史柳宗元宅。柳宗元先侍御史府君神道表。終於

親仁里第。給事中陸質宅。柳子厚居與陸質同巷。見子厚荅元饒州論春秋書。前進士許棠宅。許棠親仁里雙鷺詩云。雙去雙來日。已頻只應知我是江人是棠寓此里。唐彥謙宅。唐彥謙親仁里

聞授詩云。朱雀街東半。夜驚楚魂湘夢兩徒情。大同軍節度使李國昌宅。咸通中。朱耶赤心徐州龍助以功。懿宗賜姓名編入屬籍。系鄭王平房。及賜第一區。旅館。柳宗元虞鳴鶴誄。終於長安親仁里。按誄曰。身

終逆旅。蓋旅館也。姚合親仁里居詩云。三年實舍親仁里。寂寞何曾似在城。又有街西居二首。蓋旅館在街之西也。

次南永寧坊

隋有明覺寺。大業七年廢。坊南門之東。隋蘇威宅。西門之北。隋田宏宅。宏子仁恭。德懋及孫元基。並以孝義旌表。時論美之。

東南隅。京兆府籍坊。

按此。長安志文籍坊未詳。或徙坊病坊之類。俟考。

司天監。

乾元元年。改太史監爲司天監。於永寧坊張守珪宅置官六十人。其地卽安祿山所賜永寧園也。

永寧園。

賜祿山。永寧園。

爲邸。又賜永穆公主池。觀爲游燕地。

南門之西。禮部尙書裴行儉宅。東門之北。贈太尉祁國公王仁皎宅。

本禮部尙書鄭善果宅。後臨江王篡。賈之神龍初。宗

正卿李晉居焉。繕造廊院。稱爲甲第。晉誅後。敕賜仁皎。畢氏曰。太宗第十一子江王。篡非臨江王也。此誤。

吏部郎中楊仲宣宅。

席豫楊仲宣碑。遭疾。終於萬年永寧里之私第。

右豹衛大將軍贈益州

大都督汝陽公獨孤公宅。

張說獨孤公燕郡夫人李氏墓誌。永寧里。先人之舊廬也。有通渠轉池。巨石巖嶮。噴險淙澗。洄潭沈沈。殊聲異狀。而爲形勝。遊衍之處者。十四五。前夫人之孫蘇氏之婦。弱歲嫁而墮焉。舉家環流。憚莫能救。

夫人投身赴水。或沈或浮。久之。提挈僅免。

西北隅中書令裴炎宅。

炎死後。沒官爲徒坊。

開府儀同三司博陵郡王李輔國宅。

按杜陽雜編。肅宗賜李輔國香玉辟邪。輔

國碎之爲粉。所居安邑里。芬蘭彌月。是輔國宅。又在安邑矣。俟考。

贈太子少師彭王傅上柱國會稽郡公徐浩宅。

張式徐浩碑。薨於長安永寧里。

尙書右僕射致仕

高郢宅。

白居易高相宅詩云。青苔故里懷恩地。白髮新生抱病身。涕淚雖多無哭處。永寧門館屬他人。謂高郢也。

河東節度使同中書門下平章事王鐔宅。

鐔子穆。進永寧里第。宣義亭子。

時議以鏐因緣累居大鎮營第華侈既歿而入於官固其所也。盧氏雜記載泓師云長安永寧坊東南是金盡地安邑里西是玉盡地。後永寧爲王鏐宅安邑爲北平王馬燧宅。後王馬皆進入官王宅累賜韓宏正史肅誠李載義等所謂金盡破而成也。馬燧宅爲奉誠園。所謂玉盡破。河東節度使兼侍中李載義宅。太和五年載義自幽州入朝文宗賜以居第及米麪錢帛芻籍極厚。前京兆尹楊憑宅。憑治第功役叢興而不完也。又幽妙妾于永樂。

別舍。訛議頗譴坐是貶臨賀尉。按柳宗元亡妻宏農楊氏誌以謁醫救藥之便來歸女氏永寧里之私第蓋楊氏卽禮部郎中楊凝之女凝卽憑之弟。前司空兼門下侍郎同中書門下平章事王涯。

宅。乃楊憑故第。家書與祕府侔名。書畫以金玉爲匣軸鑿垣貯之重複祕固若不可窺者。及被誅爲人破垣別取匣軸金玉而棄其書畫於道籍田宅入於官。太傅致仕白敏中宅。按李商隱白居易墓誌其曾祖弟今右僕射平。

章事敏中仲冬南至備宰相儀物擊跪齋梁給事寡嫂。永寧里中蓋白公有楊憑舊宅敏中所居卽樂天第也。太子太保涼國公李聽宅。按李晟宅在永崇而隱在此坊者蓋其時各立第宅故李愬又宅於興寧。衛尉。

卿李有裕宅。太子太傅分司東都李固言宅。唐語林李固言宅在永寧。按羅。寧州刺史羊士諤宅。羊士諤有永寧小園卽事。

詩永寧里園亭休沐愜然成詠詩。酬盧司門晚夏過永寧里敝居林亭見寄詩。又永寧里小園與沈校書接近愜然題寄詩。御史中丞充武昌軍節度副使竇瑒宅。竇有永寧小園與校書接近因寄詩是宅。

在此坊。但不知校書爲誰疑。金吾大將軍張直方宅。自幽州入朝居此。舊書黃巢傳宰相崔沆豆盧瑑扈從不及匿之列墅。所即羊士諤詩所謂沈校書也。由搜索嚴急乃微行入永寧里張直方之家朝貴怙直方之豪多依之旣而。

或告賊云直方謀反納亡命賊攻其第直方族誅沆噴數百人皆遇害。按北夢瑣言張直方好接賓客歌妓絲竹甲於他族與裴相國休相對是裴休宅亦在此坊也。義成軍節度使兼中書令王鐸宅。三水小園。

曰。第中別立書齋。退朝獨處其中。欣欣如也。

校書郎殷保晦宅。

三水小牘。廣明庚子。關輔烽飛。郊人大潰。故秘書校書殷保晦。自永寧里所居。盡室潛於蘭陵里蕭氏池臺。地鄰五門。以爲賊不復入。明日。羣兒露合。祕校遂爲所俘。夫人封

氏諱詢。字景文。天官侍郎敖孫也。賊酋將叱後乘載之。夫人奮袂罵賊。遇害。賊酋既去。祕校脫身來歸。大慟良久。長號而絕。三婢子相攜投淺井而死。

次南永崇坊。

東南隅七太子廟。

其地本萬夔六州之邸。總章中。以爲明堂縣。後徙縣於永樂坊。神龍初。立懿德太子廟。卽中宗之長子。禮閣新儀曰。天寶六載。詔章懷節愍惠莊惠宣惠文太子。雖官爲立廟。比來子孫自祭。或時物有闕。禮儀不備。宜與隱太子

及懿德太子列次諸室。同爲一廟。遂於永崇坊東街。就懿德太子同立廟。呼爲七太子廟。寶應三年。停享。大厯三年。又加靖恭太子一室。

廟西靈應觀。

隋道士宋道標所立。

宗道觀。

本興信公主宅。寶興劍南節度使郭英乂其後入官。

大厯十二年。爲華陽公主追福。立爲觀。按觀爲華陽公主立。故亦曰華陽觀。歐陽詹玩月詩序。貞元十二年。甌閩君子陳可封游在秦。寓於永崇里華陽觀。是也。白居易華陽觀詩注。觀卽華陽公主故宅。有舊內人存焉。

龍興觀。

坊有龍興觀。見李商隱爲

馬懿公郡夫人王氏黃露齋文。

孝廉陳巖宅。

宣室志。潁川陳巖。景龍末舉孝廉。至京師。居永崇里。

瀘州都督王湛宅。

楊炯王湛碑。薨於京師永崇里。

十字街西之南。刑部尙

書韋抗宅。諫議大夫呂崇粹宅。

廣古今五行記。唐開元中。呂崇粹宅在京永崇坊。

祕書監楊鈺宅。

明皇貴妃之兄。舊書楊貴妃傳。貴妃以徵譴送歸楊鈺宅。比至亭午。上思之不食。高力

士奏請迎貴妃歸院。是夜。開安興里門入內。按明皇時在兩內。故永崇北行入自安興里門也。

司徒兼中書令李晟宅。

興元元年。賜晟永崇里甲第。詔宰臣諸節將會送。是日。特賜女樂八人。錦綵銀器等。令教坊太常備樂。京兆府供具。